

Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
OPĆINSKI NAČELNIK

Broj : 03-19-2132/25
Vogošća, 06.02.2026 godine

OPĆINSKO VIJEĆE
V O G O Š Ć A

PREDLAGAČ : Općinski načelnik

OBRAĐIVAČ : Služba za privredu,
integrisani lokalni razvoj i društvene djelatnosti

PREDMET: Odluka o izmjeni odluke o davanju saglasnosti na potpisivanje ugovora o partnerstvu za realizaciju projekta "Spomen soba šehidima i poginulim borcima Općine Vogošća"

Dostavljamo Vam na razmatranje i usvajanje Odluku o izmjeni odluke o davanju saglasnosti na potpisivanje ugovora o partnerstvu za realizaciju projekta "Spomen soba šehidima i poginulim borcima Općine Vogošća".

OPĆINSKI NAČELNIK

Migdad Hasanović

Na osnovu člana 13. stav (2) alineja 18. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 70. stav (1) tačka 2. Statuta Općine Vogošća („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24) i člana 16. Odluke o davanju u zakup poslovnih prostora i zgrada Općine Vogošća ("Službene novine Kantona Sarajevo" br: 14/25) Općinsko vijeće Vogošća, na sjednici održanoj _____godine, donosi

PRIJEDLOG

ODLUKA O IZMJENI ODLUKE O DAVANJU SAGLASNOSTI NA POTPISIVANJE UGOVORA O PARTNERSTU ZA REALIZACIJU PROJEKTA "SPOMEN SOBA ŠEHIDIMA I POGINULIM BORCIMA OPĆINE VOGOŠĆA"

Član 1.

U Odluci o davanju saglasnosti na potpisivanje Ugovora o partnerstvu za realizaciju projekta "Spomen soba šehidima i poginulim borcima Općine Vogošća" ("Službene novine Kantona Sarajevo" 2/26) iz člana 1. brišu se riječi "Bosne i Hercegovine".

Član 2.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

**PREDSJEDAVAJUĆI
OPĆINSKOG VIJEĆA VOGOŠĆA**

Nihad Hadžić

Broj:
Vogošća,

OBRAZLOŽENJE

Pravni osnov za donošenje:

Pravni osnov za donošenje Odluke je član 13. stav (2) alineja 18. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) kojim je definisano da Općinsko vijeće u okviru svojih nadležnosti obavlja i druge poslove utvrđene zakonom i statutom, i član 70. stav (1) tačka 2. Statuta Općine Vogošća („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24) kojim je Općinsko vijeće nadležno da donosi odluke, druge propise i opće akte i daje njihovo tumačenje, te član 16. Odluke o davanju u zakup poslovnih prostora i zgrada Općine Vogošća ("Službene novine Kantona Sarajevo" br: 14/25) kojim Općinski načelnik može u izuzetnim slučajevima putem službe predložiti Općinskom vijeću, bez prethodno objavljenog javnog oglasa, dodjelu u zakup poslovne prostorije u slučajevima kada je to u interesu Bosne i Hercegovine, Federacije BiH, Kantona Sarajevo i Općine Vogošća.

Razlozi za donošenje:

Prilikom izrade Odluke o davanju saglasnosti na potpisivanje Ugovora o partnerstvu za realizaciju projekta „Spomen soba šehidima i poginulim borcima Općine Vogošća“ došlo je do tehničke greške u navođenju naziva Udruženja.

U članu 1. predmetne Odluke, naziv Udruženja nije usklađen sa nazivom Udruženja iz Rješenja, broj 03-03-04-518/24, izdatim od strane Ministarstva pravde i uprave Kantona Sarajevo.

Izmjenom Odluke vrši se brisanje riječi u cilju usklađivanja naziva Udruženja sa važećim rješenjem nadležnog organa.

Objašnjenje predloženih rješenja:

Član 1. – definiše predmet izmjene Odluke;

Član 2. – definiše stupanje na snagu.

Finansijska sredstva:

Za realizaciju ove Odluke nisu potrebna finansijska sredstva.

Pregled Dokumentata| Broj 2/26

Početna (/) / Dokumenti (/Docs/) / Službene novine Kantona Sarajevo (/Docs/Drzavni) / Dokumenti pregled

Službene novine Kantona Sarajevo, broj 2/26

Na osnovu člana 13. stav (2) alineja 18. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 70. stav (1) tačka 2. Statuta Općine Vogošća ("Službene novine Kantona Sarajevo", broj 27/14 - Prečišćeni tekst i 14/15, 9/20 i 23/24) i člana 16. Odluke o davanju u zakup poslovnih prostora i zgrada Općine Vogošća ("Službene novine Kantona Sarajevo", broj 14/25), Općinsko vijeće Vogošća, na sjednici održanoj 30.12.2025. godine, donosi

ODLUKU**O DAVANJU SAGLASNOSTI NA POTPISIVANJE UGOVORA O PARTNERSTU ZA REALIZACIJU PROJEKTA "SPOMEN SOBA ŠEHIDIMA I POGINULIM BORCIMA OPĆINE VOGOŠĆA"****Član 1.
(Predmet Odluke)**

Ovom Odlukom Općinsko vijeće Vogošća daje saglasnost Općinskom načelniku Općine Vogošća da potpiše Ugovor o partnerstvu sa Udruženjem za zaštitu historijskih vrijednosti Bosne i Hercegovine "Haber", ID broj 420136995002, sa sjedištem u ulici Ejuba Delalića 74, Sarajevo, radi realizacije projekta "Spomen soba šehidima i poginulim borcima Općine Vogošća", u skladu sa nacrtom Ugovora koji čini sastavni dio ove odluke.

**Član 2.
(Ugovorne odredbe)**

Ugovorom se uređuju međusobna prava i obaveze Općine i Udruženja u cilju implementacije projekta, korištenja poslovnih prostora, finansiranja i upravljanja eksponatima u Spomen sobi.

**Član 3.
(Ovlaštenja)**

Općinski načelnik je ovlašten da u ime Općine potpiše Ugovor i sve eventualne dopune ili anekse Ugovora u okviru odobrenih budžetskih sredstava i važećih materijalnih propisa.

**Član 4.
(Stupanje na snagu)**

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-2132/25
30. decembra 2025. godine



Broj: 03-03-04-518/24
Sarajevo, 17.01.2024. godine

Ministarstvo pravde i uprave Kantona Sarajevo rješavajući po zahtjevu Udruženja za zaštitu istorijskih vrijednosti "HABER" za upis promjena u Registar udruženja, na osnovu člana 33. stav (2) Zakona o udruženjima i fondacijama ("Službene novine Federacije Bosne i Hercegovine", broj 45/02), donosi:

RJEŠENJE

1. U Registru udruženja Ministarstva pravde i uprave Kantona Sarajevo, kod Udruženja za zaštitu istorijskih vrijednosti "HABER" sa sjedištem u Vogošći, ulica Ejuba Delalića broj 74, upisanog pod registarskim brojem 1152, knjiga II Registra udruženja, dana 15.07.2008. godine, upisuju se promjene, kako slijedi:

1.1. Prestaje ovlaštenje licu za zastupanje i predstavljanje Udruženja:

Omer Hadrović – predsjednik Udruženja.

1.2. Lice ovlašteno za zastupanje i predstavljanje Udruženja je:

Omer Hadrović – predsjednik Udruženja.

2. Razrješenje i imenovanje predsjednika Skupštine Udruženja.

3. Razrješenje i imenovanje predsjednika Udruženja.

4. Ostali upisi u Registru Udruženja ostaju neizmijenjeni.

5. Udruženje za zaštitu istorijskih vrijednosti "HABER" dužno je Ministarstvu pravde i uprave Kantona Sarajevo prijaviti promjene statuta, naziva, sjedišta, ciljeva i djelatnosti, lica ovlaštenog za zastupanje i predstavljanje, članova organa upravljanja, pripajanje, razdvajanje ili transformaciju, te prestanak rada Udruženja u roku od 30 dana od dana izvršenih promjena.

6. Za izdavanje ovog Rješenja, Udruženje za zaštitu istorijskih vrijednosti "HABER" uplatilo je taksu u iznosu od 100,00 KM i 100,00 KM naknade za upis promjena u Registar udruženja na žiro račun broj: 141 196 53200084 75.

Obrazloženje

Udruženje za zaštitu istorijskih vrijednosti "HABER", dana 11.01.2024. godine, podnijelo je Ministarstvu pravde i uprave Kantona Sarajevo, zahtjev za upis promjena u Registar udruženja, a odnosi se na promjenu ovlaštenog lica za zastupanje i predstavljanje Udruženja i promjenu organa upravljanja Udruženja. Uz zahtjev za upis promjena u Registar udruženja (Obrazac broj 6), koji je dopunjen dana 16.01.2024. godine, prijavu promjene djelatnosti, statuta i članova upravnog tijela (Obrazac broj 7), sa popisom članova upravnog tijela (Obrazac broj 5), priložena je sva potrebna

dokumentacija u skladu sa Zakonom o udruženjima i fondacijama („Službene novine Federacije BiH“, broj 45/02) i Pravilnikom o načinu vođenja registra udruženja i fondacija i stranih i međunarodnih nevladinih organizacija („Službene novine Federacije BiH“, broj 61/02, 08/08 i 78/10) i to: Odluka o razrješenju i imenovanju ovlaštenog lica za zastupanje i predstavljanje Udruženja, Odluka o razrješenju i imenovanju predsjednika Skupštine Udruženja, Odluka o razrješenju i imenovanju predsjednika Udruženja, Zapisnik sa Skupštine održane dana 08.01.2024. godine sa spiskom prisutnih delegata i dokaz o uplati takse i naknade za upis u Registar udruženja.

Uvidom u priloženu dokumentaciju koja je dostavljena uz zahtjev, utvrđeno je da su ispunjeni zakonski uslovi za upis promjena u Registar udruženja, pa je na osnovu člana 33. stav (2) Zakona o udruženjima i fondacijama („Službene novine Federacije BiH“, broj 45/02), odlučeno kao u dispozitivu Rješenja.

Rješenje se izdaje uz naplatu takse u skladu sa članom 19. tarifni broj 36. Zakona o administrativnim taksama („Službene novine Kantona Sarajevo“, br. 30/01 - Prečišćeni tekst i 22/02, 10/05, 26/08 i 23/16) i uz naknadu za upis udruženja, a shodno Rješenju o visini naknade za upis u Registar udruženja broj: 03-01-04-49830/22 od 14.12.2022. godine, na žiro račun broj: 141 196 532 000 8475.

Pouka o pravnom lijeku: Ovo rješenje je konačno, te protiv njega nije dopuštena žalba, ali se može pokrenuti upravni spor, tužbom kod Kantonalnog suda u Sarajevu u roku od 30 dana od dana prijema ovog rješenja. Tužba se podnosi u dva istovjetna primjerka, a uz istu se prilaže i ovo rješenje u originalu ili prepisu.

Dostaviti:

1. Udruženju za zaštitu istorijskih vrijednosti "HABER",
ulica Ejuba Delalića broj 74, Vogošća;
2. Ministarstvu kulture i sporta Kantona Sarajevo;
3. Federalnom ministarstvu pravde;
4. Poreznoj upravi F BiH,
Porezni ured Sarajevo,
ul. Husrefa Redžića broj 4;
5. Zbirci isprava,
6. Arhivi.

MINISTRIČA

Darja Softić Kadenić



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-083, Fax: + 387 (0) 33 562-241
Web: <http://mpu.ks.gov.ba>, E-mail: mpu@mpu.ks.gov.ba